



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

480

ՄԱՆՏԵՐԻ ԻՆԳՄԱՆԻ



Գ Ի Կ Ե 2 Կ Կ Կ

Մ Ա Ն Պ Ո Չ Հ Ո Ր Բ Ե Շ



Բ Ա Գ Ո Ի  
Տ Պ Ա Բ Ա Ն Ն Ս Ե Բ Օ Ր Կ  
1903

26 .r

052

220

30 MAY 2017

894.541

h-52

# ԱՆՊՈՉ ՀՈՐԹԸ

(Պատմաձգ Սաների Ինգրանի)

1001

4254

Թարգմ. ՅՈՎ. ՄՏԵՓԵՆՆԱՆ:

Արտատպ. «Մուրճ» ամսագրից:



ԲՍ. ԳՈՒ  
ՏՊԱՐԱՆ „Ա. Բ. Օ. Բ.“  
1903

4973

# Չ Պ Ղ Չ Հ Ո Ր Թ Ե Մ

(Վիտերմի վեժման Նառնեանք)

# Ա Ն Պ Ո Չ Հ Ո Ր Թ Ը \*)



Дозволено цензурою, 16 Октября 1902 г.

Երկրամաս ԵճՅՈՄՅ Երասուպ



Վ Ո Ր Թ Ե Մ

Չ Պ Ղ Չ Հ Ո Ր Թ Ե Մ

Յ Օ Ե 1

Չի կարելի ասել, որ Պ. փոքրիկ քաղաքը Ֆինլանդիայի ամենամեծն ընդհանուր էր: Այնտեղ կայ տպարան, լրագիր է հրատարակում, բայց չէ որ կան այնպիսի քաղաքներ էլ, որոնք չունեն ոչ մէկը և ոչ էլ միւսը: Եւ այդպէս, Պ. փոքրիկ քաղաքում հիմնուեց տպարան, այն էլ բոլորովին նոր և արտասահմանեան վերջին ձևով: Մի բան միայն շատ մտատանջութիւն էր պատճառում նրա տէրերին, այն է՝ ոչինչ չը կար տպագրելու: Լրագիրը շարաթահան միայն երկու անգամ էր լոյս տեսնում: Մնացած օրերը տպարանը մատնուած էր անգործունէութեան, իսկ բանուորները, ոտնիկ ստանալով, թափառում էին դէս ու դէն, պարապութիւնից արեցողութեամբ էին զբաղում, գայթակղեցնում միւս բանուորներին և փոքրիկ քաղաքի խաղաղ բնակիչների դժգոհութիւնը զրգուում:

Հապա, ասացէք, խնդրեմ, մի՞թէ այդ կարգ է: Բաժնետէրերն արդէն մի քանի անգամ ժողովուել էին միասին խորհակցելու այն կարևոր հարցի մասին, թէ ինչ տպագրեն: Նրանք խորհեցին, դատեցին, վիճեցին, բայց չը կարողացան մի բան հնարել: Չառ լաւ ծրագիրներ

\*) Ֆինլանդական աշխարհի մի անկիւնի կեանքից վերջրած այս պատկերը պատկանում է Ֆին Բիլլեորիտա՝ ներկայումս «Päivälehti» ֆին ազգարեակութեան կուսակցութեան արմատական մասի լրագրի խմբագիր պ. Կնյամանի գրչին: Թարգմանուած է ուսերէնից:

— Ուրեմն մենք վճռում ենք, տպագրել պատկերագարը այլուրենաւրմն:

— Այո, այո:

— Նւ պատկերները Գերմանիայումն ենք պատուիրում:

— Այո, Գերմանիայում:

Նախագահը մուրճով զարկեց, ցոյց տալու համար, որ վիճարանութիւնները վերջացած են, և սրբեց իր ճակատի քրտինքը: Փնօք Աստուծու, վերջապէս մի վճիռ կայացրինք:

Ամենքն էլ թեթևութիւն զգացին, կարծես թէ մի լեռան չափ ծանրութիւն նրանց ուսերից վայր գլորուեց: Ուրեմն մենք էլ մի բանի պէտքական ենք, ուրեմն մենք էլ խոտ արածողներէց չենք:

Մի առ ժամանակ վէճերը և փոխադարձ դիմադարձութիւնները մոռացուեցին: Գատարած պարաքի զգացողութիւնը և սեփական արժանապատուութեան զիտակցութիւնը բաժնետէրերի մէջ առաջացրին եռանդի մի արտասովոր հոսանք և նրանք անմիջապէս ընտրեցին մի կարգադրիչ մասնաժողով, որից յետոյ ամենքը միասին դնացին հիւրանոց բարի գործի սկիզբը ըմպելիով ցօղելու:

Անցաւ մի ամսից աւելի: Այրուրենարանը կազմեցին, այսինքն վերցրին հէնց առաջին պատահարը իրանց ձեռքըն ընկած հին օրինակը, տեղ-տեղ իրանցից աւելացրին մի քանի բան, բերել առին պատկերները և նորից հաւացուեցին՝ կարգադրիչ մասնաժողովի ղեկուցումը լսելու: Սեղանի վրայ դրուած էին Գերմանիայից հէնց նոր ստացուած կլիշեները, որոնք, ի հարկէ, ընդհանուրի ուշադրութիւնը գրաւեցին: Ի միջի այլոց մի պատկեր ներկայացնում էր Յովսէփին՝ հօտն արածացնելիս:

— Նայեցէք, խնդրեմ, այս անասուններին, կարծէք մեր առջևը կենդանի լինեն կանգնած:

— Այո, իսկապէս: Իսկ այս կայտուուն հորթն իր ցցած պոչով... Ջարմանալի է:

Ճշմարիտ և, մտիկ արէք... հորթը վազում է՝ պոչը կեռ ցցած: Հրաշալի է:

— Է՛, այդ արդէն չափազանցութիւն է: Տարօրինակ երևակայութիւն է՝ հորթը ներկայացնել այդպիսի անվայել դիրքով: Չեմ կարող ստել, թէ այդ յաջող միտք է եղել,—նկատեց պոստատան կառավարիչը, ուրախանալով, որ վիճարանելու առիթ է գտել:

— Գատարեալ անտեղի հանաք լուրջ գործի մէջ,— աւելացրեց վերատեսուչը:

— Ո՛չ թէ միայն անտեղի, այլ ուղղակի անվայելուչ,— բարձրացրեց ձայնը ժողովրդական ուսուցիչ Պօսիոն:— Հանաք, որ սաստիկ դիպչում է մարդու գեղեցկի զգացմունքին և վիրաւորում է ամօթխածութիւնը:

— Այստեղ ի՞նչ անվայելուչ բան կայ... Պոչը սոջ է: Վերև ցցած, թէ ներքև կախ ընկած, միևնոյն բանը չէ: Ինձ պատկերը դուր է գալիս,—նկատեց կաշուեգործ Նիւրանէնը:

— Իսկ ինձ ամենեկին դուր չէ գալիս: Չեմ հասկանում, այրուրենարանի համար ինչպէս կարելի է նկարել այդպիսի լկտի բաներ:—Վերատեսուչն արհամարհական կերպով ձգեց սեղանի վրայ կլիշէն:—Այդպիսի բաներ,— նա մատը անկեց կլիշէի վրայ ճիշտ այն տեղում ուր հորթի պոչն էր,—այդպիսի բաները չի կարելի տպագրել այրուրենարանում: Նս առաջարկում եմ մերժել նկարը:

— Այդ բանին ես համաձայն չեմ,—հակաճառեց վաճառական Ռիսկոնէնը: Նկարները մենք ենք Գերմանիայում պատուիրել, զրոնց համար փող ենք վճարել, և այն էլ ոչ քիչ,—ինչու մեր փողերը իզուր կորչեն: Եթէ անպատշաճ է հորթը ցցած պոչով ներկայացնել, ապա ուրե-

մին մենք կը ձևակերպենք առանց պոչի... 25՝ որ այդ անելը դժուար չէ:

— Այդ ինչ կը դառնայ... կը ստացուի անպոչ հորթ.— հարցրեց շուարուած մազիստրոսը, գլուխը չբարձրացնելով արձանագրութիւնից:

— Է՛, թէպէտ հէնց այդպէս: Բայց և այնպէս նկարը վայելուչ կը լինի:

— Միթէ մենք տպագրում ենք... անպոչ հորթը... Նախագահը շփոթուեց, չիմանալով, թէ ինչ կերպով դնի հարցը ձայնատուութեան:

Տեղից վեր է կենում բժշկապետը:

— Պարոններ, այդ վէճը միտք չունի: Արուեստագէտը նկարել է ջահիլ, աշխոյժ կենդանին իսկ և իսկ այն վայրկեանում, երբ նա, համալուծուած ուրախութեան յանկարծակի բռնկումով ցատկոտում է դաշտում, մարմնի տարօրինակ շարժումներ անելով: Կենսուրախ զգացմունքը պատանեկութեան յատուկ է: Տնծութեան յանկարծակեան բռնկումներ հորթերին յատուկ են, (այստեղից— «հորթային հրճուանք»): Ուրախութեան այն արտաքին արտայայտութիւնները, որոնք մեզ անվայել են թւում ոչ մի ամօթայի բան չեն պարունակում, որովհետեւ բնական են, անարուեստ: Նկարիչը պարտաւոր էր ձևակերպել հորթը պոչը ցից, որովհետեւ դա բնական է: Նա դրանով երևան է հանել նուրբ դիտողութեան ընդունակութիւն, կենդանի իմօր: Եթէ որ, հետեւելով կեղծ ամօթխածութեան, նա ներկայացնէր կայտառ հորթը պոչը կախ, այն ժամանակ նա կը մեղանչէր գեղարուեստական ճշմարտութեան դէմ, իսկ նրա արտագրութիւնը կը կորցնէր իր անկեղծութեան, ճշմարտութեան, իրականութեան ամբողջ զբաււոթիւնը: Տարօրինակ է այդպիսի բան մերժելը, իսկ առաւել ևս տարօրինակ է հորթը պոչից զրկելը:

— Ինչ վերաբերում է իրական լինելուն, այդ մասին ես չեմ վիճում: Պատկերն արդարև շատ իրական է,— ասաց վերատեսուչը, սկսելով տաքանալ:— Բայց այդ գովաբանուած ուշադրանութիւնը ներկայ դէպքում արդեօք յարմար է գալիս: Զու՛նը իր լուսներն է քթը թւում, խողք թաւալում է ցիխի մէջ,— չէ՛ որ սրանք էլ զուտ իրական նիւթեր են, բայց թոյլ տուէք հարցնել, արդեօք սրանք յարմար նիւթեր են գեղարուեստական երկերի համար: Արդեօք այդ գեղարուեստական կերպիւրն երեխաների, մեր ժողովրդի երեխաների համար, անօղջաւոր է:

— Ե՛, ասենք այդբան էլ հեռու չի կարելի գնալ,— հակաճառեց պոստատան կառավարիչը, որին հորթի պոչի մասին յարուցած բոլոր վէճը՝ այնքան էլ լուրջ բան չէր թւում: Այդպիսի չնչին բաներին նշանակութիւն չըպիտի տանք: Միթէ գիւղացի երեխաները ոչ մի անգամ չեն տեսել պոչերը ցից հորթեր: Սե նրանք համարեան ամենայն օր են տեսնում այդ, և դրանից ոչ մի վատ բան չի գուրջ գալիս:

— Ինչպէս, դուք ուրեմն ընդունում էք, որ այդ պատկերի մէջ ոչ մի անպատկառ բան չը կայ: Ներեցէք... իմ խորին համոզմունքն է, որ մենք զլրիվայր ենք հասկանում մեր պարտականութիւնները: Հարկը անգամ աւելի լաւ կը լինէր ամենևին այրօրբենարան չը տպագրել, և առհասարակ աւելի լաւ կը լինէր ոչ մի գիրք չը տպագրել, բան տարածել համանման ցեխ: Ո՛ւմ ենք մոլորեցնում: Մաքուր մանկական հոգիներին: Ո՛րտեղ ենք մշտցընում բարքերի ապականութիւն: Մեր ժողովրդի անաբատ սիրտը: Կարծես թէ մենք նպատակ ունենք քանդել այն բարոյական հիմքերը, որոնց վրայ կառուցուած է ազգի ապագան:

— Ի հարկէ, այդ մի քիչ անվայելուչ բան է, որ հորթը ցցել է պոչը,— դրանում և կաշուեգործը համաձայն

էր:—Քայց,—չարունակեց նա,—ախր չէ՞ որ այդ յիմար  
երկշաբաթական հորթ է, որից շատ բան պահանջել չի  
կարելի: Եթէ դա լինէր օրինակ կող կամ եղ, այն ժամա-  
նակ ուրիշ բան է: Իսկ հորթ, դա ոչինչ...

— Ոչ, ոչինչ չէ,—հակաճառեց հարկահանը:—  
— Ցոյց տուէք երեխաներին այդպիսի նկար,—նրանք  
լինչպիսի հասկացողութիւն կը կազմեն վայելչութեան և  
բարեկրթութեան մասին:

Ես արդէն ասացի, որ դրանք դատարկ բաներ են,—  
նորից միջամտեց բժշկագետը: Արժէ արդեօք ամբողջ մի  
ժամ վիճաբանել այդպիսի յիմար բանի մասին և ներս խո-  
թել այստեղ բարոյականութեան հարցեր... Հանգիստ թող-  
նենք այդ հորթը: Աստուած նրա հետ, թող այբուբենա-  
բանի մէջ չը մտնի: Աւելի լաւ է խօսենք որ և է աւելի  
հետաքրքիր բանի մասին: Մենք չէ՞ որ ուրիշ շատ, աւելի  
կարեւոր գործեր ունենք:

— Հարցը հորթի մէջ չէ, այլ սկզբունքի, այն իդէալ-  
ների, որոնցով մեր բաժնետիրական ընկերութիւնը պիտի  
առաջնորդուի իր լուսաւորութեան գործի ընթացքում:—  
Վերատեսուչն աւելի բորբոքուեց,—Կասեմ աւելին, այստեղ  
հանդիպել են իրար երկու աշխարհահայեցողութիւններ: Եւ  
մեր խաղաղ երկրումն էլ է սկսուած բռնկուել կռիւն ազ-  
նիւ իդէալիզմի և այն ուղղութեան մէջ, որը նատուրա-  
լիզմ անմեղ անուան տակ իսկպպէս քօղարկում է խորին  
ապականութիւն: Իմ բարոյական պարտքս եմ համարում  
նախագոյնապէս ընկերներէս այդ մահաբեր թոյնից, որը  
հեշտութեամբ կարող է թունաւորել և փշացնել մեր գե-  
ղեցիկ գործը:

Բժշկագետը աթոռի վրայ սկսեց կուշ գալ: Նախա-  
գահը նկատեց այդ և կարևոր համարեց վիճաբանութիւնն  
ընդհատել:

— Ներեցէք, պարօններ, դուք շատ շեղուեցիք հար-

ցից: Այդպէս մենք երբէք չենք վերջացնիր: Հարցը դնենք:  
Եթէ ես չեմ սխալուած, առաջարկուած է երկու ծրագիր.  
ոմանք ցանկանում են, որ չարաբաստիկ պատկերն ամե-  
նէին չը տպագրուի, ոմանք էլ ընդունում են, որ կարելի է  
տպագրել, բայց առանց պոչի: Սակայն, երկրորդ ծրագիրը,  
թուում է թէ, չի գտել բաւականաչափ կողմնակիցներ:

Այդ ժամանակ հարկահանը ձայն խնդրեց:

— Հէնց այդ ծրագրի կողմնակից եմ, թէպէտ և,  
կարելի է, որ ես աւելի չունեցայ որոշակի յայտներ իմ  
կարծիքը այդ մասին: Բոլոր դժբախտութիւնը պոչի մէջ է-  
հէնց այդտեղ է միայն անպատշաճութիւնը: Քայց դրա հա-  
մար չարժէ այբուբենարանից դուրս հանել Յովսէփի և իր  
հօտի կրթիչ պատկերը:

Կաշուեգործ նիրանէնը, իսկ նրա հետ միասին և  
պոստատան կառավարիչը, բողոքում էին անպոչ հորթի  
կողմնակիցների դէմ: Վէճը նորից բռնկուեց: Ժողովրդա-  
կան ուսուցիչը դարձեալ սկսեց ճառել բարձր նիւթերի և  
այն վտանգների մասին, որոնք, եթէ միայն տուած փաս-  
տի բոլոր հետևանքները նախատեսուի, վնաս են սպառ-  
նում ժողովրդին և հայրենիքին: Վերատեսուչը նատուրա-  
լիստների դէմ արտասանած ճառով նրանց ջարդ ու փշուր  
արեց և բորբոքուած ասաց, որ կոպտութեան պաշտպան  
մարդիկ թէպէտ և գաճաճ են, բայց առաւել ևս երևան են  
հանում ամօթխածութեան բացակայութիւն և դատելու  
անընդունակութիւն այն բանի մասին թէ ինչ է շնորհալի,  
ինչը՝ ոչ:

Բժշկագետը կրակ կարեց:

— Իսկ այն մարդը, որ կարմրում է պոչը տեսնելիս,  
երևան է հանում չափազանց կասկածելի բարոյականու-  
թիւն: Ժողովրդի, իսկ առաւել ևս երեխաների երեակայու-  
թիւնն առողջ է: Ապականուած է միայն նրանց երեակայու-  
թիւնը, որոնք ահաճութեամբ երեսները չուռ են տալիս՝

պոչը վերև ցցած հորթից: Այդ արդէն չափազանցութիւն էր: Նախագահն ընդհատեց վիճաբանողներին և խնդրեց նրանց դադար գնել անձնական հոգի վրայ: Բայց վերատեսուչն արդէն գլխարկը վերցրել էր: Հրաժեշտ տալիս՝ նա մեղմ, կարծես թէ խղուած ձայնով արտասանեց մի քանի սրտաբուլիլ խօսքեր այն մասին, թէ ինչպէս նրա համար ծանր է տեսնել, որ այնպիսի գեղեցիկ պտուղներ խոտացող գործը ստացել է կորստաբեր ուղղութիւն: Նա թօթափում է իր ոտները փոշին: Նմանապէս նա չի կարող անդամ մնալ այն ընկերութեան, որտեղ թոյլ են տալիս վիրաւորել այն մարդկանց, որոնք համարձակ և ազնուաբար արտայայտում են իւրեանց համոզմունքները: Իսկ ինչ վերաբերում է վիրաւորողին՝ նա դատաստանի առջև նրանից հաշիւ կը պահանջի: Նա դուրս գնաց, իսկ նրա յետևից դուրս եկան ժողովրդական ուսուցիչը և հարկահանը: Մնացողներին տիրեց մի ծանր դգացմունք: Թուում էր նրանց, թէ հողը իրանց ոտները տակ օրօրում է: Իրանց ընկերութեան ապագան, որ մի քիչ առաջ վարդագոյն լուսով էր ներկայանում աչքերին, յանկարծ անյայտութեան մառախուղով ծածկուեց: Եւ այդ բոլորը մի ինչ որ հորթի պոչի կամ անպոչ հորթի համար:

Վիճաբանութիւնները նորից արծարծելու մասին մտածելն անգամ աւելորդ էր: Վտանգաւոր էր բարձրացնել վիճելի հարցը, որ յանգում էր երկու կամ աւելի ճիշտ երեք հակասական փճիւնների: Այդ կարող էր վերջնականապէս կործանել ընկերութիւնը: Գործը յետաձգուեց երկրորդ նիստին, աւելի նրա համար, որ արդէն ուշ էր: Կաշուեգործի խորհրդի համաձայն խնդիրը պարզելու համար վճռեցին հարցնել ձեռնհաս և գործի մէջ չըշահադրողուած անձանց՝ ինչպէս օրինակ քաղաքագլխի և քաղաքային պատարի կարծիքը: Քաղաքագլուխը պատասխանեց, որ Պ. քաղաքի բնակիչները, ի հարկէ, մի քիչ կը

խռովուէին, եթէ տեսնէին հրապարակում վիճելի նկարի նման մի տեսարան: Բայց, ուշադրութեան առնելով, որ պատկերը ժողովրդի համար է նշանակուած, իսկ ժողովուրդն այդքան էլ մանրակրկիտ չէ, նա կարծում է, որ այդ կարելի է ուշադրութեան չառնել: Պատարը անորոշ կերպով պատասխանեց, — որ ոչ Աստուածաշնչում, ոչ էլ եկեղեցական կանոնադրութիւնների մէջ չէ կարող պատասխան գտնել տուած հարցին:

Խորհեցին և վճռեցին, որ պատկերը կարելի է տըպել իրաւարանական յայտնի սկզբունքի հիման վրայ, որով թոյլատրելի է համարում այն բոլորը, ինչ որ օրէնքով չէ արգելուած:

Այդպէս էլ արին: Այբուբենարանը լոյս ընծայեցին հորթի պատկերով, հորթն էլ մնաց պոչով: Բայց վերատեսուչը, ժողովրդական ուսուցիչը և հարկահանը վերջին իրանց վրայից ամեն մի պատասխանատուութիւն այդչափ թեթեամիտ արարքի հետեանքների համար:

Նրանք վաճառեցին իրանց բաժինները:





« Ազգային գրադարան



NL0376288

74.163

894.541

7-52